

陳槃著作集

上海古籍出版社

春秋大事表列國爵姓及存滅表譌異 下

(三訂本)

陳槃著作集

K225.04
C525-2

春秋大事表列國爵姓及存滅表撰

槃



K225.04
C525-2

下

上海古籍出版社

圖書在版編目(CIP)數據

春秋大事表列國爵姓及存滅表譌異/陳槃撰. —上海:
上海古籍出版社, 2009. 11

(陳槃著作集)

ISBN 978-7-5325-5311-2

I. 春... II. 陳... III. ①中國-歷史-春秋時代②姓名-
考證-中國-春秋時代 IV. K225 K810.2

中國版本圖書館 CIP 數據核字(2009)第 038234 號

本書原由中研院歷史語言研究所出版，
現由該所授權上海古籍出版社印行大陸版

ISBN 978-7-5325-5311-2



9 787532 553112 >

陳槃著作集

春秋大事表列國爵姓及存滅表譌異(三訂本)

(全三冊)

陳槃撰

上海世紀出版股份有限公司

上海古籍出版社 出版、發行

(上海瑞金二路272號 郵政編碼200020)

(1) 網址: www.guji.com.cn

(2) E-mail: guji1@guji.com.cn

(3) 易文網網址: www.ewen.cc

上海發行所發行經銷 金壇市古籍印刷廠印刷

開本 700×970 1/16 印張 98.5 插頁 15

2009年11月第1版 2009年11月第1次印刷

印數: 1—1,800

ISBN 978-7-5325-5311-2

K·1196 定價: 298.00 元

如發生質量問題,讀者可向工廠調換

壹伍陸、犬戎

〔國〕犬戎。

卜辭止稱「犬」，辭曰：「貞，勿退犬」；三燕大二「戊戌貞，令犬征田，若」

；通纂別二、內藤二。「貞，令多子族从犬單面、莠，古王事」；通纂五、三八。「貞，令多子族單

犬侯彝周，古王事」；同上版。「己卯卜，允貞，令多子族單犬侯彝周，古王事。

五月」。續五、二。楊樹達謂犬方卽犬戎，續微居甲文說下葉四二。當是也。

丁山父先生曰：「由「令犬侯彝周」及「令犬古王事」測之，犬侯與商王朝的關係，至爲親切，宜爲「內服的侯亞」。銅器中有亞犬鼎「亞犬」，續存上一七。

當是犬侯的遺物」。「犬侯爲商朝內服的侯亞，在周人文獻裏當稱之曰「犬夷」

。詩大雅縣頌古公亶父之功烈曰：「混夷駢矣，維其喙矣」。混夷，說文馬部

引作「昆夷」，口部又引作「犬夷咽矣」。說經者愈謂，「犬夷」卽「混夷」，

以爲是齊詩與魯詩的異文。按史記匈奴傳：「亶父亡走岐下，作周。其後百

有餘歲，周西伯昌伐獸夷氏」。索隱：「韋昭曰，春秋以爲獸戎。按獸音犬。

大顏云，卽昆夷也。山海經云，黃帝生苗龍，苗龍生融吾，融吾生并明，并明生白犬，白犬有二牡，是爲犬戎。說文，赤狄本犬種，字从犬。又山海經云，有人面獸身，名曰犬夷。賈逵云，犬夷，戎之別種也。山按，索隱所引山海經，俱見大荒北經，今本亦作「人面獸身，名曰犬戎」，不作「犬夷」也。由禮記王制「東夷，南蠻，西戎，北狄」說，吠夷與犬戎，顯然有別。

犬戎，卽國語周語所謂「穆王將征犬戎」，是西戎也。若西伯昌所伐「吠夷」，當卽尙書大傳所謂，「文王受命四年，伐犬夷」，是東夷也。卽大雅縣所謂「犬夷」，正當以卜辭的「犬侯」解之。卜辭所謂「犬侯」，唐蘭先生讀爲「犬侯」，足證武丁伐周，實以犬侯爲主力。自武丁至于帝辛，二百有餘歲，較之匈奴傳所謂「亶父百有餘歲」而至周西伯昌，略前百年；卜辭的「犬侯」，雖不能直接牽傳大雅縣的「犬夷」爲一事，要此犬夷，爲商之犬侯，不能如向來經師比附犬戎，則斷然可知。卽文王所伐犬夷，亦爲商之犬侯。史記比附爲匈奴，其失尤遠」。

殷商氏族方國志犬侯條。葉一一五。

槃謹案丁先生謂卜辭之犬卽犬夷，是也。謂犬夷與犬戎有別則非也。犬

夷初居東方，後遷于西曰「犬戎」，同時亦有夷稱，時地不同，故稱亦稍變，非族類之異也。參下「東夷、西戎、南蠻、北狄」之說，以所居方位而固定其蠻、夷、戎、狄之號，古無是也。

復次犬戎固亦稱「犬夷」，或作「猷夷」。竹書：夏后相元年「征淮夷、

猷夷」。王輯本葉二上。征淮夷又征猷夷，此猷夷，東夷也；又云，夏桀時「猷夷入居

豳、岐之間」，同上葉三下。是猷夷已由東而西遷矣。齊太公世家：「文王伐崇、密須

、犬夷」。犬夷，卽猷夷也。左傳閔二年「春，虢公敗犬戎于渭汭」。或曰「犬

夷，或曰犬戎，其實一矣。『戎』『夷』古無定稱，故「徐夷」亦曰「徐戎」；

參上陸玖徐戎王使由余于秦，繆王謂余由，「戎夷」無詩、書、禮、樂、法度之

治；秦有「秦夷」之稱，而商君以爲「始秦，戎、翟之教」。『戎』『夷』通

稱，其例多矣，參上壹伍伍不獨犬戎爲然也。

復次周書王會篇記成王時成周之會，四夷位次，「其西」有「犬戎」。篇

末附載商書伊尹朝獻篇，其令于四方也，「正西」有「狗國」。影集訓本葉一九八。王應

麟補注引王肅云「狗國，犬戎也」，是也。此商書之稱狗國不同于周書之稱犬

戎，無疑「戎」爲賤詞。商與犬戎關係親密，故不以戎視之也。而犬戎與周則常爲仇敵，故戎之也。卜辭稱犬而不系以戎，與此商書之稱狗國而不戎者，其義同符。或曰「犬侯」，或曰「狗國」，以稱列國之詞稱之也。此狗國已明其卽犬戎，亦卽卜辭犬侯之犬國方犬，而其方位在正西，則卜辭之犬侯卽犬戎、爲西方之國，更爲不容置疑之事矣。

犬戎，舊籍亦或作「犬封」。山海經海內北經：「犬封國曰犬戎國，狀如犬」。經第十二、葉一下。

王國維曰：犬戎，「其見於商、周間者曰鬼方，曰獯鬻；其在宗周之季則曰玁狁；入春秋後則始謂之戎，繼號曰狄；戰國以降又稱之曰胡，曰匈奴。綜上諸稱觀之，則曰戎、曰狄者，皆中國人所加之名；曰鬼方、曰混夷、曰獯鬻、曰玁狁、曰胡、曰匈奴者，乃其本名；而鬼方之方，混夷之夷，亦爲中國所附加」。鬼方昆夷獯狁考。

又曰：「鬼方之名，易、詩作鬼。然古今文作𩇑，或作𩇑。孟鼎曰：王□孟以□□伐𩇑方。其字从鬼，从戈。又梁伯戈云：𩇑方𩇑。其字从鬼，从

支。二字不同，皆爲古文畏字。……」；「余謂混夷、緄夷、犬夷皆畏與鬼之陽聲

；又變而爲葷粥，爲薰育，爲獯鬻；又變而爲玃狁，亦皆畏鬼二音之遺。畏

之爲鬼，混元注：胡本反，或胡渾反。之爲昆，爲緄，爲吠，爲犬，古喉牙同音也。畏之爲

混，鬼之爲昆，爲緄，爲吠，爲犬，古陰陽對轉也。混、昆與葷、薰，非獨

同部，亦同母之字。古音喉牙不分。玃狁則葷、薰之引而長者也。故鬼方、昆夷、薰

育、玃狁，自係一語之變，亦卽一族之稱，自音韻學上證之有餘矣」。同上篇。

如上引王氏說，則犬戎之在上世，亦稱「鬼方」，或曰「混夷」，昆夷、緄夷並同。

或曰「獯鬻」，或曰「玃狁」。不唯稱「戎」，且亦號「狄」。戰國以降則曰「胡」

，或號「匈奴」。

卜辭綜述辨之曰：「王國維的鬼方考，對於鬼方一事的考定，是有重大

貢獻的。但他其實受了五帝本紀索隱的暗示。索隱說：「匈奴，別名也，唐

虞以上曰山戎，亦曰熏粥，夏曰淳維，殷曰鬼方，周曰玃狁，漢曰匈奴」

；此外他加入了混夷，以爲凡此一切都是鬼方。這種混同，是不對的。玃狁

是允姓之戎，和鬼姓是不同的種族。孟子梁惠王下「文王事混夷」，「大王事

獯鬻」，明二者非一」。葉二七五。

今案陳某說固矣。逸周書王會篇，成周之會，山戎貢戎菽，犬戎貢文馬，匈奴貢狡犬；葉一九四一。商書伊尹朝獻篇，伊尹爲四方令：正西有昆侖、狗國、鬼親；正北有胡、代、翟、匈奴之等。一九八一。由成周之會觀之，則犬戎與山戎有別；由朝獻篇觀之，狗國卽犬戎，參前文。鬼親卽鬼方，王氏補注引王肅曰。是犬戎、鬼方、胡、翟、匈奴並有別矣。

〔爵〕闕。

竹書「后泄二十一年，命獸夷、白夷、赤夷……」。王輯本葉二下。案命，謂策命、爵命。是謂犬戎在夏后泄時，固自有爵。

殷商時稱「侯」，曰「犬侯」，已見上「國」。

穆天子傳一：「天子北征于犬戎」。郭注引紀年：「取其五王以東」。葉一

後漢西羌傳同。葉二。是謂穆王時犬戎稱「王」。案國語周語上：「今厲王時。自大畢

伯士之終也，韋解以大畢、伯士爲二君，今未詳。犬戎氏以其職來王」。韋解：「以其職，謂其嗣子

以其貴寶來見」。葉四。犬戎于周已有職矣，自亦當有爵。然而無可考者。「王」

爵則其自號者也。

〔姓〕闕。

顧炎武曰：「姬，周姓，出黃帝」；又曰：「驩姬、犬戎皆姬姓」。日知錄二
三姓。

案此說未詳所出。山海經十七大荒北經云：「大荒之中……有人名曰犬

戎。黃帝生苗龍，苗龍生融吾，融吾生弄一作明，弄明生白犬，白犬有牝牡

，郭氏箋疏：「史記周本紀正義、漢書匈奴傳注引此經是爲犬戎」。書所引問有異文，郭氏箋疏，並作白犬有二牝牡。蓋謂所生二人相爲牝牡也。」

今詳之，顧氏豈以黃帝姬姓晉語，今以犬戎爲黃帝後，故曰犬戎姬姓耶？

〔始封〕西戎之列在中國者。

據竹書，則其始爲東夷——犬夷，夏桀時代始遷豳、岐之間，蓋自是始

爲西戎。參上「國」。

〔都〕在今陝西鳳翔府境。其本國則今陝西西寧府西北樹敦城是也。

陝西鳳翔府境之說，地名攷略卷十三同，葉二十未詳所據。

案閔二年左傳：「虢公敗犬戎于渭汭」。江永曰：「穆天子傳，天子至于

雷首，犬戎胡觴天子于雷首之阿。雷首山在今山西蒲州府，其對河爲陝西華

陰、渭水入河之處，是犬戎在渭汭。地理考實卷二五、葉二二下。沈欽韓曰：「水經注：渭水東入于河，春秋之渭汭也。……程大昌雍錄：渭口在華州華陰縣東北三十里。」地名補注二、二九上。渭汭在華陰東北，江氏引證穆傳，其意若曰：穆王時犬戎嘗遷渭汭，今虢公亦敗犬戎于渭汭，是犬戎仍居渭汭也。以較彼鳳翔府之說，則江說似長。

周語上「犬戎樹惇」，周本紀「惇」作「敦」。本紀集解引徐廣曰：「樹，一作檄」。案「敦」「惇」字通。「樹」，古文作「𣎵」。說文木部。蓋隸俗或又作「檄」，故譌爲「檄」。

本國在樹敦城之說，張、汪、丁三家爲詳。張澍曰：「按國語上。周語犬戎樹惇，韋注：樹，立也，言犬戎立性敦樸。誤矣。樹惇是犬戎姓名，祭公謀父所謂犬戎樹惇，能率舊德者也。通鑑注：樹惇城在曼頭山北，吐谷渾之舊都，周穆王時，犬戎樹敦居之，因以名城。方輿紀要云：志云，周穆王時，犬戎樹惇居此，有城在寧夏衛西。案寧夏衛，明置。即清寧夏縣。今爲寧夏省銀川市。周涼州刺史史寧曰：樹敦、貨真二城，吐谷渾之巢穴也。木杆从北道趣賀真，寧从南道趣樹敦。朝

野僉載云：中書令李敬玄爲元帥，追吐蕃至樹敦城。水經注云：樹積水注之。魏書地形志，朔州神武郡領殊積縣。蓋語出戎方，音之異耳。樹積卽樹敦，實卽樹惇，可徵樹惇之爲姓名無疑。而王伯申經義述聞云：惇字當屬下讀。犬戎樹者，先國而後名，猶曰邾婁顏耳。其謬不待攻。姓氏釋誤二、一樹王氏。水經注三河水注王。

汪遠孫曰：『韋氏訓樹爲立。立惇二字，文不成義，復增性字以解之。

舊音案國語舊音，唐無名氏所著。云：鄯州界外羌中，見有樹惇，蓋是犬戎主名。其說是矣

，而亦不了，故宋公序詆爲臆說。北史史甯傳：甯謂突厥木汗曰，樹敦、賀

眞二城，是吐谷渾巢穴。……新唐書王難得傳：從哥舒翰擊吐蕃，拔樹惇城

。樹惇城，吐谷渾舊都，蓋周時犬戎樹惇所居，因以爲名。今在甘肅西寧府

西曼頭山北』。國語發正一、四〇。續經解冊一四〇。

丁謙曰：『按國語，以犬戎爲荒服；案周語上：穆王遂征犬戎，「得四白狼」。漢書

匈奴傳言：隴以西有畎戎；逸周書孔注言：犬戎，西戎之遠者也』。穆天子傳攷證一、二。

浙江圖書館刊本。

又曰：『觀^語上文：自大畢伯士之終，犬戎以職來王；又云：吾聞犬戎樹惇，帥舊德而守終純固。則大畢伯士爲其先世君名，樹惇爲當時君名，明白無疑。舊音指爲城名者，蓋樹惇主國時建築此城，卽以其名名之。……至以人名爲城名，中西各國多有之』。^{同上篇。}

岑仲勉氏亦有說，曰：『國語周語上……今自大畢伯士之終也，犬戎氏以其職來王。史記周本紀正義引賈逵云：大畢、伯士，犬戎氏之二君也。余按于闐古王子有名 *Biśadzaya* (*viśā*) 者，大畢伯士，切韻 *d'ai piēt pak dzi*，卽此名之複排，並非兩人。漢以後通行兩字名，故注家誤爲二君』。^{兩周文史論叢漢族一部分西來之初步考證五傳說以外之印證。}

又曰：『通鑑一六六胡注以樹惇爲名，比之於吐谷渾之樹敦城，立義尙見其大。經義述聞謂大畢伯士指舊君，樹指今君，惇屬下讀，引晉語「惇帥」爲證。然大德本胡注引文已有能字，王氏強衍能字，立說不見得極確。考樹惇，切韻 *Ziu* (*d-*) *tuan*，得與古于闐王子一名 *Hdon-dros* (*Hdon-Gdros*) 相對』

又曰：『犬戎……其西方根據地在于闐。……魏書一〇二于闐傳：「自高昌以西，諸國人等深目高鼻，唯此一國，貌不甚胡，頗類華夏」。後人往往自恃聰明，不信前人的觀察。然而西藏文的于闐國史固詳述它的立國與中國有著密切的關係，難道我們也可設想其是偽書嗎？』兩周文史論叢春秋戰國時期關西的拜火教。

今案表云陝西西寧府，即今青海西寧市，位于鎬京西千三百五十餘里。

諸家並謂穆王所伐之犬戎，其國都樹惇城在此，余以爲可疑。穆天子傳卷一

：『飲天子錫山之上。戊寅，天子北征，乃絕漳水。郭注：「漳水，今在鄆縣。」案

十里庚辰，至于□……至于鉞山之下。注：「即鉞山，今在常山石邑縣。」案

：北循虋沱之陽。注：「虋沱河，今在雁門關城縣陽水北。」案乙酉，天子北升于□；

天子北征于犬戎，注：「國語曰：穆王將征犬戎，祭公謀父諫，不從，遂征之。」案犬戎□胡觴天子于當水之陽。子百

本葉今以戊寅穆王北征渡漳水爲第一日；庚辰至鉞山爲第三日；癸未循虋沱

之陽爲第六日；乙酉北征犬戎，戎□胡觴穆王爲第八日。

考漳水亦稱漳河，有二源：曰清漳，曰濁漳。清漳又有東西二源：東源

出山西樂平縣西沾嶺之大甕谷；西源出西北賦嶺。至遼縣而二源相會。至河

南林縣北之交漳口，濁漳水自西來會。濁漳水亦有西北二源：西源出山西長子縣西南發鳩山，一名鹿谷山；北源出山西沁縣，至襄垣縣東與西源會。清、濁二漳已合，東流，經河南臨漳縣城之西，折而東北流，至河北新河縣與滹沱河會。參水道提綱三、十四、十七。

庫沱卽滹沱河，源出山西繁峙縣東北泰戲山，西南流經代縣、崞縣、忻縣、定襄，又東經五臺縣，又東南經盂縣，入河北省，經平山、靈壽、正定，至藁城縣，折東北流經無極、深澤、安平、澤縣、饒陽、獻縣，合滏陽河爲子牙河。同上十一、十二。

穆王之北征絕漳水，未詳其在何一縣境，古今水道亦有不同。然其第三日至鉞山之下，約當今河北省獲鹿縣之東南境。第六日北循滹沱之陽，水北曰陽，蓋穆王北征之第六日，由獲鹿境循滹沱水北而行也。行二日而抵達戎境矣。古人師行日一舍，當三十里。二日當六十里。充其量，二日之程不過百里，則犬戎之南邊，約當今河北之曲陽、行唐兩縣境，過此以北則爲太行山區，蓋卽犬戎盤據之地矣。北征之師已至，犬戎畏威，故來觴王矣。

穆傳卷四又云：『天子東征……天子南還，升于長松之墮。孟冬壬午，

至于雷首，

注：『山名，今在河東蒲阪縣也。』

犬戎胡觴天子于雷首之阿。』

同上本葉二下。

案閱二年左傳

：『虢公敗戎于渭汭』。江永曰：『今按穆天子傳……犬戎胡觴天子于雷首之

阿。雷首山在今山西蒲州府，

案今爲陝西蒲城縣。

其對河爲陝西華陰，渭水入河處，是

犬戎在渭汭。』

二五二下。

案穆王初征犬戎，犬戎胡觴王于太行山之南麓，今復

觴王于蒲城，而與春秋早期之犬戎敗軍處、地正相近。竹書云：穆王伐犬戎

，遂遷戎于太原。蓋戎先遷太原，不知何時復南遷蒲城；直至春秋初期，蒲

城猶爲犬戎居地，地瀕渭水，故虢公亦敗犬戎于渭汭矣。

或曰，竹書云：『穆王北征，行流沙千里，積羽千里。』

王輯本葉七上。

流沙，舊

解以爲在西域。穆王所征之犬戎若不在樹惇城，則何爲而行流沙千里？曰，

此蓋二事，不必牽爲一事。穆王已服太行山區之犬戎，復北上而征伐他國，

更行流沙千里，

今本竹書以王北征犬戎爲十二年冬十月；西征爲十三年春。

未嘗不可。中國西北地區率多沙漠不

毛之地，風起則沙流，不必限于西域可也。

復次犬戎部落在太行山區，穆王已征犬戎，復遷之于太原，

山西晉陽縣舊稱太原，詳上陸晉

「都蓋于道途爲便。若在西寧之樹惇城，則遠在周京西北千數百里之外；太原之與樹惇城，東西相去則徑二千一百有餘里矣，其困難、其不可能性，亦概可知矣。

曰，然則『犬戎樹惇』，樹惇二字何解？王引之經義述聞曰：『周語吾聞犬

戎樹惇帥舊德、而守終純固，

元注：俗本帥上衍能字，辯見陳氏芳林春秋外傳攷正。

韋以樹惇絕句，注曰：樹

，立也。言犬戎立性惇樸。舊音曰：樹惇，蓋是犬戎主名。引之謹案上文大

畢伯士，注以爲犬戎君，蓋犬戎之先君也。其曰，今自大畢伯士之終也，辭

意顯然。此句蓋指犬戎之今君而言，則舊音之說是矣、而未盡也。樹者，其

主名；惇字當屬下讀。犬戎樹者，先國而後名，猶曰邾婁顏耳。惇帥舊德者

，惇，史記周本紀作敦。爾雅曰：敦，勉也。言勉循舊德也。晉語曰：知籍

偃之惇帥舊職而共給也。是其證。下文單襄公曰：懋帥其德。韋注：言勉帥

其德。文義亦與此同。

犬戎樹條。經解本一一九九、二。

案王氏謂犬戎樹之稱，先國而後名，舊籍固多此例，穆傳于犬戎之君，

或曰犬戎□胡，或曰犬戎胡，

並已前見。

亦其比矣。又引晉語『惇帥舊職』，以比